

да волочит и норовит виноватому. Будучи, государь, кто судия вмирит силою и обвинити не хочет по суду или по обыску или по земской управе рогою, ино, государь, преступает божию за||поведь, занеже, господь, велит а 203 об
взыскати суда, отмстити обидимаго и за то милость и отмщение грехом судием *хочет дати*. А судия суд покинув не хотячи казнити виноватого виною, да велит миритися, ино той судия праведнее и милостивее *хочет быти* господя бога, и тому, государь, не мочно быти, что хотети чрез божию заповеди праведну и милостиву быти паче господя бога, разве грех не прощен будет и мука вечна. И того для, государь, праведнее господя никто б не ставил себя, делал бы по божию повелению и по правде его, да грехов прощение примет, и потому не пригоже милovati виноватого и норовити ему, занеже писано есть: суд милости не имать. Суд бо, государь, велит правду на ответ изводити судии ко исцм виноватым старому, и малому, и сильну, и немощну, и богату, и другу, и роду; и несть судии ни роду, ни племяни, ни друга, занеже пи||сано: по малому и по великому а.
судити и не познаеши лица на суд, яко суд божий есть. И того для судии непригоже ни сильного убояться, ни своему дружити, ни норовити виноватому тем, что суд отсрочивати да велети миритися и в том волочит милуючи виноватого или по дружбе или по худости: суд бо милости не имать. И пригоже, государь, вскоре судити и правити и обвинити и казнии продажею исцвою и судебником. Писано, государь, в Царствах: после Давыда пророка и царя к сыну его царю Соломону премудрому пришла мати его Вирсавия и просила у сына своего, у Соломона царя, чтоб дал брату своему большому женитися на той царице, которая отца их Давыда в старости его согревала. И Соломон о том разгневался на большого своего брата и велел ему голову отсечь и мати его Вирсавия не отпросила от смерти у него брата его, и то, государь, убийство Соломо||не а. 204 об.
не видал есмь в писании, чтоб который пророк или свят муж в грех Соломону свидетельствовал: суд бо, государь, милости не имать. И того для не милovati виноватого и не норовити ему тем, что велит им миритися и за то волочити и отсрочивати суд или крестное целование, занеже, государь, тем милует виноватого, а святое писание сказывает: суд милости не имать; а только имать милovati виноватого, то не помилует правого и огрубит ему, что велит миритися, и казнит его тем, что его волочит. Прото, государь, божиа книги пишут так: суд есть без милости не сотворшему милости. И еще пишет: хвалитца милость на суде. Смотри, государь, божиих книг, как велят творити суд и виноватого милovati не велят, пишут: суд милости не имать. Так же, государь, только не милovati правого ино запрещают и пишут: суд || есть без милости не сотворшему милости, и а. 205
только, государь, правого милует не отсрачивая по судному делу указ учинит безволокитно или по обыском или по крестному целованию по суду. Тогда похваляют божиа книги и пишут: хвалитца милость на суде, тогда господь бог судием и грехи оставляет по святому Исаяи пророку. А которой отсрочивает и волочит дело и велит миритися, то явно дружит виноватому, и то, государь, милование ему, а правого, первое, истец избидил, другое, судия, волочит, отсрочивая судного дела не обговаривая и управы не даст, ино правому вдвое беда, а третия беда, что проедаетца. А только еще из деревни или из ыного града приедет, иная беда ему, занеже дом и промысл оставил. И то правому явно грубление, что велит миритися, а по судному делу долго не творит с ним милости судия и будет || судия от господя в запрещении: суд бо без милости не сотворшему милости. Великий Иоанн Златоуст пишет так: только по воли божий убийство кто сотворит, и то убийство больша всякой милости пред богом, а только не по воли божию милование кто кому сотворит, и та милость злее